

ხელშეკრულება N 14
სახელმწიფო შესყიდვის შესახებ
(ელექტრონული ტენდერი) - NAT200003798

ქ. თბილისი

02 მარტი 2020 წელი

სსიპ საფინანსო-ანალიტიკური სამსახური (შემდგომში - „შემსყიდველი“), წარმოდგენილი სამსახურის უფროსის მოვალეობის შემსრულებლის ჯონი შურდულაიას სახით და ა(ა)იპ „საქართველოს სამეცნიერო-საგანმანათლებლო კომპიუტერული ქსელების ასოციაცია - გრენა“ (შემდგომში - „მიმწოდებელი“), წარმოდგენილი მისი აღმასრულებელი დირექტორის რამაზ ქვათაძის სახით, ორივე ერთად წოდებული როგორც „მხარეები“, ვმოქმედებთ რა საქართველოს კანონმდებლობის, „სახელმწიფო შესყიდვების შესახებ“ საქართველოს კანონის შესაბამისად, ამავე კანონის მე-3 მუხლის პირველი პუნქტის „ჟ“ ქვეპუნქტის საფუძველზე, ვთანხმდებით შემდეგზე:

1. გამოყენებული ტერმინების განმარტებები

1. „ხელშეკრულება სახელმწიფო შესყიდვის შესახებ“ (შემდგომში „ხელშეკრულება“) - შემსყიდველსა და მიმწოდებელს შორის დადებულ ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
3. „დღე“, „კვირა“, „თვე“ - კალენდარული დღე, კვირა, თვე.
4. „შემსყიდველი“ - ორგანიზაცია, რომელიც ახორციელებს შესყიდვას.
5. „მიმწოდებელი“ - პირი, რომელიც ახორციელებს საქონლის მიწოდებას ამ ხელშეკრულების ფარგლებში.
6. „საქონელი“ - წინამდებარე ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

წინამდებარე ხელშეკრულების დანართი #1-ით განსაზღვრული კრიპტოგრაფიული უსაფრთხოების SSL - სერტიფიკატების მიწოდება - (CPV48222000).

3. ხელშეკრულების ღირებულება

1. ხელშეკრულების ღირებულება შეადგენს **6,990.00** (ექვსი ათას ცხრაას ოთხმოცდაათი) ლარს.
2. ხელშეკრულების ღირებულება მოიცავს როგორც გასაწევი საქონლის ღირებულებას, ასევე წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.
3. წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება, ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.
4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

4. მხარეთა ვალდებულებები

1. მიმწოდებელი ვალდებულია:

- ა) უზრუნველყოს წინამდებარე ხელშეკრულების მე-2 მუხლით გათვალისწინებული - SSL სერტიფიკატების მიწოდება/გააქტიურება უნდა განხორციელდეს ხელშეკრულების დანართი #1-ში მითითებული ვადების შესაბამისად, სსიპ საფინანსო-ანალიტიკურ სამსახურში მისამართზე: ქ. თბილისი, გორგასლის ქ. N16, სსიპ საფინანსო-ანალიტიკური სამსახური;
- ბ) სერტიფიკატები აქტიური უნდა იყოს მიწოდება/გააქტიურებიდან - 2 (ორი) წლის განმავლობაში.
- გ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე;

დ) ხელი შეუწყოს შემსყიდველს ინსპექტირების განხორციელებაში.

ე) განახორციელოს ამ ხელშეკრულებით მასზე დაკისრებული სხვა ვალდებულებები.

2. შემსყიდველი ვალდებულია:

ა) განახორციელოს ამ ხელშეკრულებით მასზე დაკისრებული სხვა ვალდებულებები.

5. ხარისხი

მიწოდებული საქონლის/ SSL სერთიფიკატების ხარისხი უნდა შეესაბამებოდეს დადგენილ სტანდარტებს (ასეთის არსებობის შემთხვევაში) და წინამდებარე ხელშეკრულებაში განსაზღვრულ მაჩვენებლებს.

6. ხელშეკრულების შესრულების კონტროლი

1. შემსყიდველის მიერ ხელშეკრულების შესრულების კონტროლი განხორციელდება პერიოდულად, როგორც საქონლის მიწოდების დროს, ისე ხელშეკრულების მოქმედების მთელ პერიოდზე.

2. ხელშეკრულების შესრულების კონტროლს/ინსპექტირებას განახორციელებენ შემსყიდველის მიერ განსაზღვრული პირი ან პირთა ჯგუფი, ასევე კონკრეტულ შემთხვევებში მხარეთა შეთანხმებით შესაძლებელია მოწვეულ იქნეს სპეციალური ცოდნის მქონე სპეციალისტი (ექსპერტი).

3. შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი და თუ აღმოჩნდება წუნდებული საქონელი, მიმწოდებელი ვალდებულია წერილობითი შეტყობინებიდან 3 (შამი) სამუშაო დღეში გამოასწოროს წუნი, იმ შემთხვევაში თუ წუნის გამოსწორება შეუძლებელია და შემსყიდველს უკვე გადახდილი აქვს საქონლის ღირებულება დაუბრუნოს შემსყიდველს აღნიშნული წუნდებული საქონლის ღირებულება.

7. საქონლის მიღება-ჩაბარების წესი

1. წინამდებარე მუხლის პირველი და მე-2 პუნქტებით განსაზღვრული მიღება-ჩაბარების აქტი ფორმდება ეტაპობრივად (ფაქტობრივად მოწოდებული საქონლის შესაბამისად), წერილობითი ფორმით, მხარეთა უფლებამოსილი წარმომადგენლების ხელისმოწერით, ინსპექტირების განმახორციელებელი პირის/პირების დადებითი დასკვნის საფუძველზე.

2. საქონლის მიღებას აწარმოებს: სსიპ საფინანსო-ანალიტიკური სამსახურის ადმინისტრაციული დეპარტამენტის უფროსი.

8. ანგარიშსწორება

1. ანგარიშსწორება განხორციელდება შემდეგი პირობებით:

ა) ანგარიშსწორების ვალუტა - ლარი;

ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

2. შემსყიდველი იღებს ვალდებულებას გადაუხადოს მიმწოდებელს მიწოდებული საქონლის ღირებულება ეტაპობრივად, მიღება-ჩაბარების აქტის გაფორმებიდან 10 (ათი) სამუშაო დღის განმავლობაში.

9. ხელშეკრულების შესრულების შეფერხება

1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ შესაძლო უმოკლეს ვადაში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

10. ხელშეკრულების პირობების შეუსრულებლობა

1. წინამდებარე ხელშეკრულების პირობების შეუსრულებლობის შემთხვევაში შემსყიდველი უფლებამოსილია შეწყვიტოს ხელშეკრულება და მიმწოდებელს დააკისროს პირგასამტეხლო ხელშეკრულების ღირებულების 20%-ის ოდენობით.
2. წინამდებარე ხელშეკრულების პირობების ნაწილობრივ შეუსრულებლობის შემთხვევაში შემსყიდველი უფლებამოსილია შეწყვიტოს ხელშეკრულება და მიმწოდებელს დააკისროს პირგასამტეხლო ხელშეკრულების ღირებულების არაუმეტეს 10%-ის ოდენობით.
3. წინამდებარე ხელშეკრულების პირობების არაჯეროვნად შესრულების შემთხვევაში (მათ შორის, ხელშეკრულების მე-4 მუხლის პირველი პუნქტის „ა“ ქვეპუნქტით გათვალისწინებული საქონლის მიწოდების/გააქტიურების ან/და ხელშეკრულების მე-6 მუხლის მე-3 პუნქტით განსაზღვრული ვადების გადაცილების შემთხვევაში) მიმწოდებელს ეკისრება პირგასამტეხლო შესაბამისად ყოველ გადაგადაცილებულ დღეზე ხელშეკრულების ღირებულების 0.02%-ის ოდენობით.
4. წინამდებარე ხელშეკრულებით განსაზღვრულ შემთხვევაში შემსყიდველი უფლებამოსილია შეწყვიტოს ხელშეკრულება მიმწოდებელთან და მოსთხოვოს ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.
5. პირგასამტეხლოს გადახდა არ ათავისუფლებს მიმწოდებელს ხელშეკრულებით ნაკისრი ვალდებულებების შესრულებისაგან.

11. ხელშეკრულებაში ცვლილებების შეტანა

1. ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლების ხელმოწერით.
2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12. დავების გადაწყვეტა

1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.
2. თუ ასეთი მოლაპარაკებების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია, მიმართოს საქართველოს სასამართლოს კანონით დადგენილი წესით.

13. ხელშეკრულების შეწყვეტა

1. შემსყიდველი უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან მოქმედი კანონმდებლობით დადგენილ სხვა შემთხვევებში.
2. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით გათვალისწინებული ვალდებულებების შესრულებისაგან.
3. ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

14. ხელშეკრულების მოქმედების ვადა

1. წინამდებარე ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2021 წლის 31 იანვრის ჩათვლით.
2. წინამდებარე ხელშეკრულების შესაბამისი მუხლები რომელთა მოქმედების ვადებიც აღემატება მე-14 მუხლის პირველი პუნქტის მოქმედების ვადას ძალაშია მათ სრულ შესრულებამდე.

15. სხვა პირობები

1. წინამდებარე ხელშეკრულება შედგენილი და ხელმოწერილია „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის შესაბამისად. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

2. ხელშეკრულებაზე თანდართული დანართი N1, წარმოადგენს წინამდებარე ხელშეკრულების განუყოფელ ნაწილს და განიხილება მასთან მთლიანობაში.

16. მხარეთა რეკვიზიტები:

შემსყიდველი

სსიპ საფინანსო-ანალიტიკური სამსახური
მისამართი: ქ. თბილისი, გორგასლის ქუჩა N16,
ტელეფონი: 032 226 1072, 032 226 1095;
საბანკო რეკვიზიტები: ანგ. 200122900,
სახელმწიფო ხაზინა, კოდი 220101222,
სკ-204577813



მიმწოდებელი

ა(ა)იპ „საქართველოს სამეცნიერო-საგანმანათლებლო
კომპიუტერული ქსელების ასოციაცია - გრენა“
მისამართი: ქ. თბილისი, ჭოველიძის ქ.10,
ტელეფონი: 598 411612; 577 405566;
ელ.ფოსტა: contact@grena.ge
საბანკო რეკვიზიტები: ა.ა GE28TB0600000003700507,
სს „თიბისი ბანკი“ კოდი TBCBGE22,
სკ- 204931654

კრიპტოგრაფიული უსაფრთხოების SSL- სერტიფიკატები (CPV48222000)	დომენის დასახელება	სერტიფიკატის ტიპი	მწარმოებელი ქვეყანა/კომპანია და მოდელი	მახასიათებელი	აქტივაციის თარიღი	ერთ. ფასი (ლარი)	საერთო ფასი (ლარი)
	*.edocument.ge	Wildcard	აშშ; Digicert; Thawte Wildcard SSL;	• Wildcard ტიპის SSL სერტიფიკატი; • სერტიფიკატის მწარმოებლის პირველი დონის სერტიფიკატი უნდა შედიოდეს MS Windows უახლესი ვერსიის root სერტიფიკატების ჩამონათვალში; • 128-დან 256 ბიტამდე შიფრაციის მხარდაჭერა; • მწარმოებლის გარანტია - \$1,250,000; • CA-ს მხრიდან ორგანიზაციის სრული ვალიდაცია; • შეუზღუდავი ქვედომენების რაოდენობა; • სერტიფიკატის მწარმოებლის ონლაინ დახმარების სერვისი; • ნამდვილობის ვადა 2 წელი;	2020 წლის 9 მაისი	2,340.00	2,340.00
	*.fas.ge	Wildcard			2020 წლის 27 ოქტომბერი	2,340.00	2,340.00
	middle.etreasury.ge	სტანდარტული	აშშ; Digicert; Thawte SSL 123;	• სერტიფიკატის მწარმოებლის პირველი დონის სერტიფიკატი უნდა შედიოდეს MS Windows უახლესი ვერსიის root სერტიფიკატების ჩამონათვალში; • 256 ბიტიანი შიფრაციის მხარდაჭერა; • მწარმოებლის გარანტია - \$500 000; • CA-ს მხრიდან დომენის იდენტურობის შემოწმება; • სერტიფიკატის მწარმოებლის ონლაინ დახმარების სერვისი; • ნამდვილობის ვადა 2 წელი;	ხელშეკრულების ძალაში შესვლიდან 3 (სამი) სამუშაო დღის განმავლობაში	330.00	330.00
	ehrms.ge	სტანდარტული			2020 წლის 3 ივნისი	330.00	330.00
	ecloud.ge	სტანდარტული			2020 წლის 10 ივლისი	330.00	330.00
	old.etreasury.ge	სტანდარტული			2020 წლის 17 ივლისი	330.00	330.00
	Edms.ge	სტანდარტული			2020 წლის 8 სექტემბერი	330.00	330.00
	stajireba.gov.ge	სტანდარტული			2020 წლის 8 სექტემბერი	330.00	330.00
	Saras.gov.ge	სტანდარტული			2020 წლის 25 ნოემბერი	330.00	330.00
						სულ:	6,990.00

შემსყიდველი

მიმწოდებელი

